

西南稀見方志文獻

第十八卷

中國西南文獻叢書

中國西南文獻叢書
第十八卷
西南稀見方志文獻

中國西南文獻叢書·第一輯

西南稀見方誌文獻

第十八卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

合州志	〔明〕劉芳聲修 田九垓纂……………	一
開縣志	〔清〕李肇奎等修 牟泰豐等纂……………	二九一

【明】

劉芳聲
田九垓
纂修

合州志

《合州志八卷》，明劉芳聲修，田九垓纂。本書據明萬歷七年（公元一五七九年）原刊、一九七八年四川省合川縣圖書館石印本影印，原書成品尺寸爲二十五厘米乘十八點五厘米，版框尺寸爲十八點五厘米乘十五點五厘米。

重修合州志序

余嘗讀蜀都賦而知靈關玉壘之勝，稱最於天下久矣。若合之水陸交會，民物豐蔚，統銅定而屬之重慶，其建置沿革，山川形勢，貢賦物產，人品風俗，所關於政教者甚重，是可無志以志之乎？而志又可以弗傳矣乎？志修於弘治癸亥，迄今柒拾餘禩，散逸於家藏，煨燼於兵火，所存者僅什之一二。余初蒞任，欲徵志以考政而無從，方有志修輯。迄

臺司下檄採合之典故，以備通志參考，余求之方策，則殘缺失次，謬之故老，則支誕不經。因喟然曰：孔子能言夏殷之禮，而嘆杞宋之無徵，豈其聰明有弗逮哉？良以典籍不存，則取證無據，孔子之嘆，嘆以是耳。

合為東川之名郡，而紀載漸滅，觀風者其能免於孔子之嘆乎？乃謀之鄉達田公東極輩，僉曰：茲誠郡之缺典也夫。夫合之士，夙以是請於長吏，而含毫未果，以致脫落如故。失此，將愈遠而愈湮矣。盍亟圖之。余乃敦禮學博王君大猷，岳君元圃，黃君中理，陳君銓，弟子員王生元慶，姚生謙，伍生典，翁生毓賢，羅生人傑，張生錫胤，諏日從事。或稽諸往牒，或磨諸碑識，或詢之耆艾之睹記，或採之傳聞之臆矣。而東極公實主裁之，揭其綱領，疏其條目，各類冠以評論。仍將銅定所志，分附於其後。彙次編集，越月而志成。其文直其事覈，簡而不遺，詳而不穢，一州二邑之典故，展卷而具在目中矣。田公輩因謂余宜序諸簡首。余惟周

禮有外史以掌四方之志，小史以掌邦國之志，而唐
長安間亦命史館考四方之志以成一家之言。夫今
之州邑，即古之邦國，古者邦國皆有史，今之州邑不
得為史而得為志，則今之志即古史氏所掌之遺也。
雖體裁不同，所以鑒往訓來，其義則一而已矣。然則
茲志之修，豈徒備遺缺，侈觀覽而已哉？要知沿革志
而廢興可考也，山川志而形勢可稽也，貢賦志而輸
納有定也，物產志而登耗有數也，人品志而勸懼以
昭也，風俗志而淳漓以彰也，氣化之盛衰，治道之污
隆，辨於其間矣。雖然，余猶有深懼焉。孔子曰：文武之
政，布在方策。其人存，則其政舉。夫合之志修，則合之
政在方策矣。推而行之，不存夫人也哉？然則斟酌志

中紀載之義以宜俗而宜民使不至為彌文焉是在
守茲土者而已矣。是故考諸廢興而思所以固封守
焉稽諸形勝而思所以控險易焉於輸納而酌乎催
科之宜焉於登耗而修夫搏節之令焉勸懼昭而何
以彰善癉惡焉淳漓彰而何以挽薄歸厚焉酌古準
今以經政敷化使合之地若增而重焉其於志之義
思過半矣否則詳於纂叙而畧於經理志雖成奚補
哉余茲有深懼焉遂不揣而為之序。


萬曆己卯仲春之吉。


奉直大夫知合州事錫山午堂劉芳聲書。

合州志

四







修志姓氏

總修

劉芳聲

州知

纂修

田九垓

外員

考索

康用賢

評事

李諫

府同

李濂

縣知

馬斯才

張向

王

近臣

張銘

符璽

何一言

陳口亨

俱舉人

一考校

王大猷

學正

岳元輔

黃中理

陳銓

俱訓導

一分校

姚謙

翁毓賢

王元慶

張錫胤

羅人傑

合州志

卷一

伍典俱廉生

一督修

王紹武同知呂炤

劉科俱判官李承芳吏目

督工吏王子遂

陳山

韓揄

朱之鼎

周濂新

合州志凡例

一志莫尚乎三才，首天文，次地理，次王制，人物則三才之道備矣。外此則無益經常，不載可也。然定是非，稽疑信，覈廢興，有其舉之不敢盡湮也。故方外古蹟咸得附載焉。

天文

古有分晷，天道明，庶幾有所鑒畏矣。志所先也。

地理

先王體國經野，以立民極，省方觀民，比屋之風可想也。故疆域、建置、山川、城池等是郡皆麗而形勝風俗，緣是以考，百物百貨有土產焉，皆因乎地也。故盡屬之地理。